

宋朝大詔令集

宋朝大詔全集卷第二百二十

政事七十三

褒恤

楊業贈太尉大同軍節度使 雍熙三年八月辛亥

生著勤勞執干戈而衛社稷加首寵聽華鼓以申哀不有追崇曷彰
茂烈雲州觀察使楊業誠監金石節度松筠河塞上之域名不山西
之茂族自昇環衛甚著忠勞方思抗凡之師以勅邊陲之用羣師遠
戍獲兵不前獨以孤軍臨于強敵勁節成厲有死不回求之古人何
以加女是用賡燕鼓典旌此遠志魂而有靈知我深意可贈太尉大
同軍節度使賜布帛千疋宋十碩

蘇協贈祀昌丞制 祥化元年十月庚申

政光祿寺丞蘇協清由檢身義方烈子長才屈於下位餘慶鍾于後

思其子易簡為吾近臣與司密命際會斯極雲屏之異可期奈忽難
追風樹之痛俄及已舉齊情之典合推節壤之恩賜以精閣之資慰
乃蘭陔之念可贈秘書丞

惟恩田錫詔以平六年十二月壬申

君臣之際義莫重焉在於忠賢必厚恩禮生既觀其亮直歿亦極其
哀榮故右諫議大夫史館脩撰田錫清節素高直躬無撓文處朝列
有端士之風擢踐諫垣得諍臣之體朝夕獻其良諫動靜貢其直言
布在封章殆盈几案而又勅先民之述作皆乙辰之討論愛民之誠
頗沛無已志茲淪沒彌用盛傷特越常規以勅志蓋可特贈工部侍
郎以其子射作監主簿度祿度遠並為大理評事給俸終喪仍令布
告天下

贈侍中楚昭輔贈書令制 乾元四

勅以作者爲王真臣觀風近聞春興王之舊壤懷任命之勲臣存則
想延賞之恩沒則峻追榮之典其官某端介自守沈潛有謀早事先
朝登翰亮節當總司於樞務定簡竭於忠規屬茲均愛之辰宜沛漏
泉之澤西臺重地右相崇清允極宸榮永昭幽少可

處士魏野贈官制

天禧四年正月庚子

國家舉旌賞之命以耀卿園中卽贈之恩用慰永懷無所以褒遠民
而厚時俗也故陝州城東村處士魏野服膺德素刻意高章願辭格
之清新而士流之推許而能爲浮固之行慕肥遁之風頃屬時巡當
加聘召懸陳誠志願違考樂且今牧守之臣每諭撫存之旨忽被封
奏奄及論亡載惻予懷特旌寵典蘭臺清秩追飾幽高厚其賜物之
資寬以復除之令諒惟遵禮式顯高名視而自知欽此殊渥可昭祀
書省著作卽贈其家帛二十疋米十斛州縣常加存恤免其諸雜差

徭

贈李清官賜其家采帛詔天禧四年三月戊午

國家念介潔之士終保令名舉進帥之又用旌素履河中府處士李
清衣纓侍諸儒雅踐方強遠自居恬智之養殆茲晚節彌結清獻奄
及淪亡良深矜惻特行育典式慰營魂惟違閭之司文乃儒林之美
扶仍示歸生之轉秉雅給復之恩中飭守臣優恤其後並獨旌于采
摠亦足厚於民風可特贈秘書省校書郎賜其家帛二十疋米三十
斛州縣常加存卹二稅外元具差役

故守司徒兼門下侍郎平章事王欽若可贈太師中書令制
勅國有元老遂陪成勳天子雖湛雪不慈遺特稽殊等之禮用章窮
體之哀故具官某峻極降神生民挺秀遠事先帝久服大儀勅封公
采纓仆師節輔致鴻業格于皇穹律于冲人靈祚景命定賴嘉規之

力結隆累成之基及茲亡國哀悼尚又維師之重周官內史之
崇並列密章以付幽室死且不朽永寄忠魂可贈太師中書令

曾利用追復開府儀同三司守司空檢校太師兼侍中保平
軍節度使上柱國鄆國公制

物夫記人之功忘人之過哲王今無朕每慕之追惟輔臣且罹深惡
駐頓禮命用前營魂故崇信軍節度副使聚青光祿大夫檢校左散
騎常侍兼御史大夫上騎都尉房州安遠曾利用早蓄壯圖遂階職
任使殊都而文聘先著勳庸侍進惟以謀謀歷居顯位爰從吏議再
削官封言念謫居久淹幽遠屢中恩而寬宥宜追遠以軫懷旌勳紹
輝公紀峻秩密章告第式示寵榮可

冠準追復開府儀同三司太子太傅上柱國萊國公制
勅朕矜懷念舊師堪推恩矧處宰司當于吏議久喪亡子爰徵時追

錫于榮章故將任郎守衡州司馬死準范范恢宏付歆後茂歷振機
之位升台鼎之榮馮失統尚遂惟遠謫屬頒赦令用滌滯取宮傳之
資名秩九重復霑命諒慰營魂可逕復開府儀同三司太子太傅
萊國公

贈楊德官賜諡諡崇西元年四月甲午

尚德旌賢王者之旨務竭忠謀國君子之大方旣三萊之所感想九
原之可作追榮表行宜峻常規故翰林學士尚書工部侍郎知制誥
楊德性踴誠明文涵經緯被遇神聖逮事光朝華時風之流淳潤皇
慈之雅正加以前職未服處躬無從頌名節而不達抗朋邦而靡吞
固以為清廟之主璧倚林之著道齊於外裔道冠當世目天禧之末
改漸中達能叶元臣誠尊儲極方屬威君之素逆興善哲之悲肆朕
慕圖緬懷遠直嗟士類之安放思哲範之弗忘加秩易名用資永享

凜然英傑尚克有承可將贈禮部尚書諡曰文

賜冠準詔詔景祐二年七月甲申

夫尚義保躬賢哲年來其政原心視行寢沮得中其公雅節惠之藉
章寔經世之明勸不有嘉命孰旌遺烈故贈開府儀同三司太師上
柱國宋國公冠準感會先聖廟謨上司明心若丹直道如天逮予主
宅之日時乃東鉤之年國惟協恭固有二事違盜言之等雷振危法
以中隔曰變易汚貝錦難辨再羅遺謫遂反之亡終非零雨之跡徒
彰幽泉之痛雖芳加澄雪遂反寵靈而誅功易名尚閑恩禮既謀秘
書論于廷論遊於英題展常例之攝亦有是身奉上司忠佐國遭憂
曰愍合是休典慰其營魂宜特賜諡曰忠愍

曹利用諡哀悼詔 景祐二年九月辛未

唐寵保終尚臣或問其全社念勞取任百國所務于主恩贈太師

利用頃事先朝家宣忠力當講和戎之利遠階奉軸之榮位不期驕
禍生所忽終緣族子之累逆適房使之行齋旅奄祖撫情加悼當從
昭洗並復寵名而永節惠之文不及有司之議宜推褒典有歸前庸
謚法有因事有功曰哀恐懼使感曰悼宜賜謚哀悼

曹利用立碑以旌功為額詔宣祐三年

改觀國公智略沉雄猷為政濟會過先帝奮起奇才久養振衝秉位
將相忠謀亮節蘊左冊書不幸逆罪由于疑寃廢死不以典禮葬從
昭濮獨切悼思訪宰樹之惟喬願立碑之未勒俾圖不朽用宣英魂
特宜立碑以旌功為額

故太子少師致仕中師可贈太子太傅

勅義重股肱之虧禮尊冕服之遜務崇恩厚敢究天榮矧開政之膺
臣早蒙德以陪朕立身未幾復魂可愛追懷鶴髮之良宜厚家章之

飾具官來體行明潔忠慮忠純有文藝經哲之風承孤節首公之操
圖其宿望屢煩方面之行資厥老謀嘗豫幾運之訪比均勞典遂守
木邦曾是壯猷豈無遺力求謝時事憫煩老成俾參倚里之將姑遂
松喬之適邇聞薨落良用慙嗟悲爲人之弗忘扼餘吞之未沃追加
官傳之秩增慰墳甯之靈恩禮若茲恭禮兩端

故太子少師致仕任布可贈太子太傅制

勅朕爲君臣之際見始終之分故生而忠粹于朝沒則寵育其第別
股肱之喪而邦國所悼宜爲大義以隆恩禮具官某才器沉裕志識
純正以碩德重望屢屬方面之寄以通謀嘉論嘗參機府之務通斯
避於時柄遽願還於紫紱存歷華茂面懷清風忽聞訃音良用震
養其台躔之舊禮以官傳之秩營魂有知歆戒滋印可

故廣南東路檢校將偕可贈信武臣觀察留後制

勅自古英偉之士死而取譽者衆矣惟忠義之節雖沒而不朽况罹
金革之禍哉其官其功持之氣毅然許國鑒方不聽倂爾南轅受命
之日晝夜魚行咸夏瘴熱冒瘴山險轉關之際遭罹非命朕之不能
綏格遠人使爾指服萬里之外終夕哀悼予心曷已其以內使隨龍
于幽步英魂如主歆此追歸可

故右狂殿直陳孝先可贈南作坊副使制

勅集日者遠人背恩叛服皇竹之間寢以稽顙爾憤疾狂寇勇不顧
命勢寡力迫罹于賊鋒朕嘉死事之節特厚恤終之典命介諸使寵
於忠魂可

故荆湖北路駐汴都監孫節可贈忠武軍節度觀察留後制
勅具官某夫受命忘身奮力死難殞于兵間勇以主節者固可錄也
致果殺敵冠軍為鋒雖死王事因而成功者尤足褒也不有旌飾孰

明忠義以兩氣稟剛烈雄能戰關將荆楚之旅總征南之軍掩擊群
蠻首先行陣踰崑崙而西塵歸石之下斬獲適當寇遂以奔剽伐不
休傷殘而殲余師賴之進而克捷總師具聞用加祭諫舉兩使之留
印賁凡原之英魂是惟報勲尚必致服可

詔特賜兵部尚書制 治平三年四月

勅夫引年以禮謝事于朝許國不忘聞命則起朕固知尔之忠及其
從事金革感疾晦明淪亡道塗惻傷士卒朕是知爾之命恤章告第
詔可忘哉故觀文殿李士金紫光祿大夫行尚書戶部侍郎上柱國
安樂郡開國公食邑二千一百戶食實封三百戶孫琦建事先朝得
更顯仕舉通治術文飾吏方憲府諫垣嘗聞正論漕軍州祭並著茂
庸以至吏治西秦收功南粵延登賓客之地寔為輔弼之臣而懸爵
卿章旋還政事朕以閔戾用兵之衆延安謀帥之艱再命爾行期早

予事天胡不慈今也云亡計者上聞朕心震悼惟文昌八座之昔夏
官七兵之崇刻于宸章尚育永懷營魂不抹其克歆永可

優給呂泰後詔熙寧元年五月甲申

漆立朝最孤知事君之節絕跡樞肯政中廢者十數年無人肯為達
之者朕近擢頌要務頗著風績今忽濟亡甚可嗟悼又添素家貧一
子幼孩遭此大禍必致狼狽可常賻之外量與優給及一行葬事官
為辦集庶示將來以勵臣節

唐介贈禮部尚書制

勅衛夫柳莊猶曰雖終必告唐宸張僅亦云辰日無避况存神之望
時惟老臣股肱或虧予所甚悼庸中慙冊以告泉壤給事中參知政
事唐介文足以謀治體而經遠猷武足以綏遠疆而警隣敵仁祖以
為御史有慷慨放言之風英考以長法官多從容引誼之體進都延

閣出殿藩垣至皆有聲立則不倚非朕慕服俾參宰路自信甚篤知
無不為方深倚毗適此周喪朕與之訣亟臨其喪豈曰儀典之然定
為君臣之分於厚食永而美豈少慰於良恩刻密為重宜優加放追
賁文昌三品姑示哀榮豈規有知尚先敬祔可

韓琦特贈尚書令制

勅朕紹休聖緒綏撫四方實賴全德老臣滿屏五室今其七也司痛
如之故推忠宣德崇仁保順守正協恭贊治純誠亮節後運翊戴功
臣永興軍節度管内觀外處置等使開府儀同三司守司徒檢校太
師兼侍中行京兆尹上柱國魏國公食邑一萬六千八百戶食實封
三千八百戶韓琦剛靖以有謀莊重而不撓早有天下之望自結人
主之知出入三朝周旋二府仁皇與子既推定策之功先帝建儲復
預受遺之託託錄朝翼以底丕平澤被士民勲在社稷繼以懋辭

任出無道藩屢厥節旄之榮願還印綬之寄方深注倚遽此殲亡夫
三省之官惟尚書今為九重非功德卓越不以假人春言老成宜峻
激典尚其精爽腐此寵榮可特贈尚書令

宋朝大詔今集卷第二百二十

宋朝大詔令集卷第二百二十一

政事七十四

褒卹

殿前都指揮使安武軍節度使郝質贈侍中制元豐元年
勅朕於文武之列凡存歿始終必視其功能品秩而致其恩極其誼
況典領宿衛國之虎臣今其殞亡宜有褒卹具官某蚤服戎事屢上
戰多嘗護師屯每最邊代乃持危節以長羽林肆惟王家之賴忠力
遽此不淑深所憫傷朕因贈卹以常伯之位以榮闕於九原尚其有
知款我光命可

觀文殿學士王詔贈金紫光祿大夫制元豐四年六月

淮北功錄舊哀死歸終蓋君臣之情有不能忘者豈特為天下勸戒
其官某勇於忠義志在功名朕蚤寵之肅事克奮國威震綏先

報王師弗勤境土用斤奉圖傷烈方登贊於迎振願念費勞旌均休
 於南服邁茲綸謝民所盡傷追純風勁肆優贈典峻躋位品以易故
 官恩禮所加是昭殊報明靈可作尚享餘壽

壬午
二月

勅國朝故事四品無贈官若學行殊絕則恩章特崇或出于一時之
恩所以褒賢厲俗為天下勸也其官某某志醇一能世其家介直而
通夷易而立躬閑寓之行有琦相之學述誠信史方汝相為述茲殯
亡良可嗟惜春官之貳寵歸厥終精爽尚存猶克知享可

故樞密直學士左司郎中兼侍讀陳襄贈給事中制
元豐三年二月
勅居左右顧問之地為論思獻納之臣存歿始終恩禮宜稱矧予勅
講之舊寔納法從之賢原往追崇寵章攸異具官某遣行純固受才
敏通比以明揚荐更假任請共直諫尉有令名入侍金華是資學獨

卷恩初化朕心惻然東臺駁正之官朕內侍要之選尚其幽實事此
恩章可

吳元聘司空惠待中制元聖三年四月

勅朕託士民之上臨制志內所興圖萬機之政寔賴股肱之臣林鳳
所同義均一體每思以謝痛執甚焉故親文殿大學士吏部尚書吳
元躬耕和之習而濟以精敏抱方重之器而適於變通頃自極度進
司宰席靖謐不撓從容以和朕言倚以天下之治功而積勞成瘁嬰
疾謝時累章自陳願解機務朕重違懇請保即燕閒庶幾有瘳復病
了治天不慈遣用震悼于朕躬益褒德飾終有國常典以爾久亮天
功故從爾以公哀之昔以爾爲陪惟怪故加爾以常伯之崇是爲異
恩庸詎泉德尚先款服以昭予哀可

故魏文殿學士正議大夫王問贈吏部尚書制元聖三年

四月

勅地嚴官盛舉士之髦存歿哀榮恩禮並稱矧于藩邸之舊寔稱侍
從之賢厚往飾終寵教尤異具官某受才敏博操行直方凡以明揚
踐更華要出路屏翰公望愈隆春恩渙亡狀用傷盡吏部六曹之重
尚書八座之崇尚其營魂膺此殊命可

贈太師中書令兼尚書令劉沆追封充國公制

元豐二年閏九月乙卯

勅序德報功是宜厚往褒賔念舊所以勸忠維時顯庸中被恩錫具
官某以宏才遠業經緯四方以偉望英聲儀刑百辟相戒仁祖協成
聖謨進建元儲國以泰定勞勩熟績久而自昭萬寶冲深朕同嘉歎
克為大國公卿極崇尚其明靈膺此休命可

贈太尉諡文忠王堯臣贈太師中書令改諡文忠制

同上

勅序德報功是宜厚往褒賔念舊所以勸忠維時顯庸中被恩錫
具官某以宏才遠業取重譽髦以偉望英聲進參機要逮事仁祖協成

聖謨登建元儲國以泰定勞動熟精久而自昭萬寶冲深朕用嘉歎
敏而好學慮國忘家考行易名左法為稱今師之位併示追崇尚其
明憲育比休命可

故刑部侍郎致仕李受贈工部尚書工部侍郎致仕王徽贈
兵部侍郎制元豐三年

勅厚往飾終是為盛賜念勞懷高宜異恩章凡官某皆以官臣入侍
先帝遺錄摯附致位顯榮朴茂謹勛簡在朝論進日愈遠賢聲不亡
追賁有加昭典步尚其無泯膺此寵名可

故殿前副都指揮使字遠軍節度楊遂贈侍中制元豐三年

勅地嚴官威將帥之臣然而尊顯於朝過破則憂嘉於衆隨古之道
也其可忘乎其官某忠武智謀屢膺寄屬出承疆場有執敵捍患
之才入總管此有折衝清廟之用勤恭篤實簡在朕心不年卒亡盡傷

何已罷朝臨奠既極於哀榮進念節終尚昭於冥漠斯而不泯其光
歆承可

王安石贈太傅制 元祐七年

勅狀式觀古初灼見天命將有非常之大事必生希世之異人使其
名高一時學貫千載智足以達其通辯足以行其言瑰琦之文足以藻
飾萬物卓絕之行足以風動四方用能於養歲之間靡然變天下
之俗政觀文殿大學士守司空集禧觀使王安石少學孔孟老師瞿
特綱羅六藝之遺文所以己意標批百家之陳迹作新斯人屬熙寧
之有為冠群賢而首用信任之萬古今所無方需功業之成遽起山
林之興浮雲何用脫屣如遺屨爭席於漁樵不亂群於麋鹿進退之
際雍容可觀朕方臨御之初哀憫罔極乃眷三朝之老選在大江之
南究觀規模想見風采豈謂告終之間在于諒闇之中何不百年為

之一浮於戲死生用捨之際孰能違天暗將哀榮之典豈不在我是用龍以師臣之位爵為儒者之光庶幾有知服我休命可特贈守太傅

呂海贈通議大夫制 元祐元年

賈生王佐之才陳當時事勢至於流涕太息文帝將大用而見擠於絳灌之徒孝武之初追揚先職舉其二孫咸至郡守貳黯社稷之臣疾力半之吏不可為公卿武帝所厭憚而卒廢於平津之謀沒後上思其賢直官具第九鄉而子偃至諸侯相蓋賢者之身固有義命而君子之澤施於後人其官呂誨任朝廷之言責以天下為己憂肯斥奸諛力諫典禮直詞正氣孰謂摧強疾趨後前如救焚溺愛君恤民之論振於至誠憂國忘家之心死而後已使九原而可作雖十世其何忘哀今不得見之信古所謂賢矣通階顯朝以慰有識之咨嗟遺

五餘忠尚想斯人之賢歸而于幽夢然乃後昆魂而有知故我嘉寵

劉庠贈太中大夫制元祐七年

勅國以求賢為先士以得時為急賢既難進而易退時亦難得而易失日月逝矣歲不我與故樞密直學士朝議大夫知渭州劉庠才備德傳寵進任重逮事三朝出入二紀英祖神考皆知其人剛毅樸忠率不少貶肆朕嗣位時咨政老如庠等輩不過數人方當召用命不少假使九原而可作雖百身其何贖式章異數用慰幽魂雖知無益以塞予衷可特贈太中大夫錄如故

司馬光贈太師追封溫國公制元祐元年

勅執德不回用安社稷為悅以死勤事坐致服膺或虧方乎訪落之初適興殄瘁之感其於卹典宜限異章故正議大夫守尚書左僕射兼門下侍郎司馬光起執絕塵應期降命蹈履九德湛涵方經逮事

仁宗以論思獻納任言責用我英祖以安危治亂鑒古今毋惟先朝
延登近弼方侯獻可而替否不肯枉尺而直尋洵澤新書優游卒歲
乃心無不在王室不怨何以慰蒼生願雖躬躬聲稱必紀未能旁求
詣野而得傳說亦底孰遷於衆而舉身閭激濁揚清方甄明於流品
制法成治永振德於黎元而慈遠之悲天不畀於一老懦懷之歎人
皆輕於百身茲入享於合宮肆不預于小歎師垣一品降龍九旂開
國於溫用旌直德納棺以隨式勅具僚攬涕泗以無從想語言之猶
左俯惟美矣歆此寵靈可將贈大師追封溫國公

呂公著贈大師追封中國公制元祐四年二月

勅大儒之於朝廷守約而施博仁者之於天下生榮而死哀豈是舊
臣賢子元弼奄至海喪良用怛傷故司空同平章軍國事上柱國東
平郡開國公食邑七千八百戶食實封貳千陸百戶呂公著寬裕而

靜深清明而教實無資文武興學始終其材則為山川其器則為規
鉅推升按路進與公台入古誅猷曆熙帝載旁招俊乂欽亮天功政
教修而陰陽順時德澤流而華夏安悅所謂善人天地之祀豈非近
世社稷之臣於爾先人相于烈祖恩祇默首功書太常譚論未忘相
像如在惟所有縉衣之美故予獲真枕之安在商之時有若伊尹伊
陟濟能濟其美於撲之世有若韋賢韋成亦克圖厥敷以方于今蓋
靡所愆方同治國之業遞借泰山之類嗚呼惟呂正於四方實賴子
輔乃不慈遺一老矣幸于天嗟其傳之何為尚蕭規之有賴式嚴追
贈其越故常大師維垣子今尊爵中伯之宅猶乃故家嗣則不亡尚
茲未饗可特贈大師追封中國公孫如故

薛尚贈銀青光祿大夫制

勅生則置高明之途所以資其能事死則隆褒贈之典所以表其道

忠仰終光帝之知人稽邇本朝之政事正議大夫上柱國樂安郡開
國公暉向以所奏之計豈利于公家以願收之良作蕩于乃由邇邇
振機之地容陪惟惟之謀同旋歷年夙夜亡解屬法規於馬政遵有
斐若人言均逸偏泥殫勤小物及絕之環未賜來歸之旌已加方雅
懷之厚終屬祔度之人恤哀榮舊禮而不足於服肱臂濟尊名殺何
愛於銀艾以啟後昆之祉以增幽室之光現而有知歆我譽命可將
贈旅青光祿大夫餘如故

郭遠贈雄武軍節度使制

勅念功隱年國有獎章矧予勞舊之臣密處討換之地奄終壽考且
極哀榮檢校司空左武衛上將軍郭遠少也知書長而甚武委著戰
多之績深通靜勝之謀伏波未喪尚威名之可倚營平既老亦奇策
之是皆親云注意之辰忽動聞聲之感追加寵頒尚貴泉高望具有

知膺此異數可特贈雄武軍節度使

蔡確追復右正議大夫制 紹興元年四月

士之大職者朕皆有以甄叙之若懷舊例之臣久擯遐荒之外志其
述矣良用盡然追舉卹章用如憲意其官某敏才精誠有顯于時被
遇先朝惻然軫恤事追丁嗣取并冠群工存致煩言遂投遠服屈經宥
澤而以喪歸稍復故官以慰之憂尚期不昧知享茲榮

蔡確贈太師諡忠懷制 紹興二年十一月丙辰

發隱德之幽光中一時之公義方清明之際所當先而不忍者也追
復觀文殿大學士贈特進蔡確被遇神考有勞王家同遭滔天之說
逆罪元比之氣終渝遠取永歸明時予心獨察其非辜天下共悲其
不幸比雖中錫異數發明舊勳載惟如彌之懷未盡報爪之念其正
師恤之秋仍加諡號之榮所以勗列辟之志非止慰重泉之魄英靈

本祇款此寵章可特贈太師諡曰忠懷

王得君贈官與一子恩澤制

勅政奉朕卽王得君朕嗣位之初恩欲奉揚先帝遺烈在言職者亡
靖共之心懷歆望之意苟方茲聞可肆敷榮每託論議巧為詆斥且
朝廷政事容或情陳而先帝神靈我形詆蹟悖德背義嗚呼衆德惟時
中外痛心朕自是避位降尊敢出言得君以臣獨能執論明邪共
思通無所忠懷大闕久未顯白諍臣有請謂宜褒錄比覽舊奏為
之嘉然贈官疎省以旌踪直神續世祿併示異恩無言不酬庶知朕
意可特贈右正言仍與一子恩澤

李定追復龍圖閣直學士通議大夫制

流言折之以義理則險說不習其厚誣行已不牽於利害則巧詆
不倚朋而自白其官果然李之始以文學行義見知朝廷而謝事者

以通本皆將所生由之喪窮究事狀曖昧無根兩院內實父命已知
生司之所從而外他人言終恐疑似之難辨於是解官歸養罷祿辟
姪先帝泰知德音獨在元祐之際仇人當塗合黨交攻橫被廢斥比
既懲於群狂理宜雪於沉寃峻職崇賞乃其故物併復生前之寵用
全身後之名知不昧於探環報宜深於結草可

文肅博改謚忠烈制

朕寅奉正圖履承休德仰慕祖宗之烈忠義無疆亦惟社稷之臣克
祗厥辟想儀容之如在宜思禮之有加其官某嗟大直方剛明肅入
屬被五朝之眷過備宣四紀之勤勞迄來至和啟天心昇對受遺英
祖近世德作求姓名增重於鴻臚中外想聞其風未維君子勞謙之
美默而不言而神考作哲之明知之有素眷言信謚未協主公夫計安
邦國謂之忠功濟生民謂之烈原有二美慰予凡原俯詢靈祚尚知敬憚

文彥博追官復制五月二十四日

朕嗣任五月三下恩書敕經術楊棲置弗用放流竄逐條陳生
還尚念故老元臣等位居丞弼或奪爵身後或殞命賊中需澤
之行豈限存歿不有追復孰慰營魂其官某佐佑四朝勲德無
茂粵自神考命為師臣逮及先皇咨以重事去國未久噴有頌
言降秩春官僅存公號齋志沒地屢閱歲時敵自朕心志遂舊
貫雖垣卽綬冠秩百工全晉節旌視儀三事納書泉壤流澤子
孫死而有知可以無憾可追復太師開府儀同三司太原尹河
東節度使路國公

司馬光言公著追復官制牒詞同上

具官某出入四朝望實兼邵粵自神考俾贊事振選及先朝爰立作
相不乾墳上墮有頌言除剛寵若罪均放商蒙惠燕久不能自昭稽

今爲章最自狀志東朝二品朝一品未稍還高秩納書幽懷流澤後人
死而有知尚識無意先追復太子少保公著復太子人保

王珪追復官制

其官某起自儒林致身王相運事先帝奄忽亡人之多言閹閹未
已盡削名秩罪均趙荒閹戚已深蒙惡滋久稽參故實蔽自朕心揆
路師垣悉還舊貲崇階高爵併以歸之禁省九原澤及後嗣死
而不昧尚或欽承可追復金紫光祿大夫尚書右僕射兼門下
侍郎贈太師謚文恭

呂大防劉摯梁燾追復官制

其官某蚤以器能獲階顯用粵自神考確在通顯劉云雖先定人建及先皇
爰立作相梁云早以器能獲階顯用粵自神考去國未幾皆有煩言
貶秩投荒齊志殒地蒙惡滋久不能自昭蘇自朕心參以故事文階

三品稍遷得著品劉梁去之階三納書泉壤流澤子孫死而有知尚識
茲意大方可追復右光祿大夫追復太中大夫意追復左中散大

韓維追復官制

其官某蚤以德名獲階頸用羽翼神考起登近班服肱泰陵嘗與初
政謀事日久煩言追與先帝泰其無意哀哀萬七雖置散地終休里
居復以簡恩稍遷階品不幸而死朕因哀之書殿崇名東朝優我納
書泉壤流澤子孫死而有知尚識茲意可追復資政殿大學士太子
少保

宋制大詔令集卷第二十一

六

宋制大詔令集卷第二十一

宋相大詔全集卷第二百二十二

政事七十五

復外下

王巖叟追復朝奉郎傅堯俞追復銀青光祿大夫謚獻簡范
祖禹復朝奉大夫趙彥若復龍圖閣學士中大夫錢勰顧臨
復龍圖閣直學士趙君錫復天章閣待制姚勔復寶文閣待
制盛陶復龍圖閣待制趙鼎復端明殿學士右光祿大夫孫
覺龍圖閣直學士朝散大夫杜純鮮于侁李同並集賢殿修
撰孔文仲朝奉郎朱熹朝散大夫高士英祿務郎制

勅朕即祚以來惟思四海曜祐起廢至于再三顧思九原不可復作
苟或托靈泉壤無以洗之則王澤所加存歿有異豈朕哀於惻隱幽
顯不遺之意哉嗚以材猷致位近特遇先帝旋以顯黜遽至徇亡言

念營魄莫能自違還其名秩國有舊章出自朕思流澤後嗣尚其不昧識此哀榮

孫固傳光前趙瞻追復官制

肅宗

具官某奏以器能履階頭用佐佑二帝為時老成

傳趙云被遇先帝與開以後

人之多言閭櫛木已收還卹典亦既累年

孫云 歲自朕心參以故實

復中前命以昔爾家流澤子孫是為布聞死而不昧尚或歆承固可

追復開府儀同三司免俞追復右銀青光祿大夫監獄簡

王巖史追復官制

肅宗

具官某蚤以時材被遇先帝更踐頭服典開政機奄忽云亡論議騰

沸除削名秩深均投荒閔戚已深朕用矜惻文階七品稍復舊著納

書泉壤流澤子孫死而有知尚識茲意可追復朝奉郎

鄭雍追復官制

肅宗

其官某頃自書林被遇先帝更踐顯服與聞政機卒以煩言削其近
職奄先朝露有樹朕心祕殿榮名選爾之舊納書泉壤流澤子孫死
而有知尚識茲意可追復資政殿學士

故范純仁特贈開府儀同三司制

朕率循舊章寵遇股肱之臣生極尊榮歿有褒典不獨示不忘之意
所以勸天下之忠也故觀文殿大學士右正議大夫元中太一宮使
范純仁世襲忠孝識度閑深翊亮四朝剛方一節危言鯁論不為身
謀朕鑽服之初寤寐考德召自遠服想聞嘉謨以疾祈閑日吳瘳損
天不慈遺存我賢輔易養之際弗忘歷誠嗟味遺章茲用震悼追陞
一品之峻以慰九原之忠精爽不忘敬是休渥可特贈開府儀同三
司

故光祿大夫同知樞密院安撫賜特進制

朕僅親大臣頗遇良渥眷惟樞庭之貳實參近輔之聯偶違陰陽之
和遂致疾恙之劇遽薨于位宜隆朕恩故先祿大大同知樞密院事
安惇稟姿粹和親身莊肅膺神考之識拔彼秦岐之春知若厯嶺夷
先全終始方時舊德碑贊鴻樞忍爾淪亡良用傷悼宜岐贈章之寵
踰陞特進之崇尚其明靈歆此優渥可特贈特進

蘇頌特贈司空制

體親勵其節人言既已竭其忠贈禮節其終王者豈得廢其禮哉乃
泥潛之舊遽興殄瘁之悲思慰存亡宜中貴錫故親文殿大學士太
子太保致仕蘇頌德備而學博色溫而氣剛時更五朝躬臨一節被
遇神考則獻納論思之忠潤色討論之美密勿乎禁違違事恭履則
阜安華夏之略燮理陰陽之功從容乎廊廟閔勞以治官之事裕處
於居里之休屬于諒闇之中方行係形之見天子不淑曾一若之此

遺人其謂何雖百身而莫贖進秩冬卿之貴增光衆隨之幽鳴呼列
鼎重茵既兼全於五福極主哀服節可作於九原始榮終哀煥耀典
冊尚其英爽式克歆承可特贈司空

溫益贈開府儀同三司制

西臺良輔潛邸故臣生加體貌之隆歿致哀榮之極肆頒異數昭示
三恩故中大夫守中書侍郎溫益器度淵宏性資凝重宣勤勞於中
外固名節於初終朕克紹丕圖有懷舊學召從藩服擢亞奉常旋陞
論駁之瑣闥繼戶浩獲之天府既登八座遂贊萬機彌嘉心德之同
遽愴股肱之火舉假朝之政事中臨英之異儀矧視三公正躋一品
尚其精爽是寵靈可特贈開府儀同三司

故資政殿學士左正議大夫致仕王存特贈左銀青光祿大
夫餘如故制

勅嚴廊捕所之舊朕所禮遇以勸導臣工者也既已寵異其生亦必
追賁其歿所以極哀榮之數全始終之恩故其官某望著英曜任達
熙運迪中庸而制行躬仁厚以持心克練有為聖完一節在元里則
受知于神廟參朕侍從之華在元祐則被遇于奉陵協贊機衡之重
肆朕續承之際深惟故老之咨邈在邱園蔚其風節奄覩遺奏尤倍
惻傷越陞二品之階峻視六卿之秩茲為茂典用展眷懷尚克歆承
以光隧路可

李清臣贈金紫光祿大夫制建中靖國元年

勅朕率循舊典優寵大臣念功簡勞不忘眷遇之禮飾終厚往用申
褒顯之恩故賚政殿大學士右光祿大夫李清臣器業靖深才猷精
敏問學該洽而知要文詞典麗而可傳奮田賢科寢歷撫任三執機
政克勤獻為報從未有之班碑總北門之鐫以疾來告日期有瘳天

不慈遺危思病喪存我舊德為之薰傷二品崇資慈有加錫尚其不
昧庶或知歆可

林希追復資政殿學士制

建中靖國元年四月

勅朕操予奪之權以取吏懋褒賞之典以勸忠職任惟公毀譽必察
義之所在朕何敢私且官某頃在先朝掌制西掖大臣竄逐渾命訓
詞實與廟堂之謀初無怨誅之意昨緣物議遂視職名忽爾滿亡甚
可嗟悼復隆名於秘殿還寵教于舊章思一夫之向隅尚當不樂如
九原而可作亦克有知庶幾不忘故我休澤可

追復資政殿學士通議大夫林希特贈右銀青光祿大夫蘇

如故制

建中靖國元年

勅生有榮祿所以勵天下之能死有師終所以厚天下之俗眷子故
輔為國名臣維時哀榮宜有異數追復資政殿學士通議大夫柱國

鄒縣開國伯食邑八百戶食實封壹伯戶林希天資剛介學識高明
蚤以時名踐吏華要遂隸禁從擢東事樞項自逆藩往臨邊開敷績
之茂者于一方昨以煩言稍后謫籍奄馬滿謝深用盡傷甄叙所加
益仲公議贈隨之典抑有舊章尚其有知腐此休命可特贈右銀青光
祿大夫餘如故

章榮贈銀青光祿大夫制

宋寧元年八月

勅旌勞念存政所宜先隱存節終禮必加厚異天不弔哲人其萎宜
仲褒贈之榮以萬忠義之勅故資政殿學士通議大夫中太一宮使
章榮才兼文武學富古今赤心百為白首一節皆裕陵之仙遊既遠
元豐之聖烈沒隳荐起共驩之凶幾成牛李之禍空邊防以驕敵氣
威國土以借盜資猖狂狐豕之區鼓舞口口之衆朝朝盟好暮致寇
攘允賴嘉謨亟運成績奉郡所罕無不爾或承漢壘相望則莫我收

遇有樂武有疏附恢廟略於三朝無智名無勇功爾遠聲於萬里肆
延登於振府爰震疊於靈方偶爽節宣勉從熙養尚覲列侯之強飯
終諧傳說之和羹詔墨未乾訃音來上古皆有死夫復何言青綾銀
章進階二品紫泥金印增育九原朕不汝遺室其克享可

黃履特贈金紫光祿大夫制

十月十六日

勅朕惟褒貶想德顯忠遂良生則罷以取位而榮其身沒則加以官
秩而顯其報平宗有等必祔朕息故資政殿大學士左正議大夫上
柱國會稽郡開國公食邑四千一百戶食實封七百戶黃履德為人
師行為世表有惟時梁善之心無妨功害能之志粵自神考推為從
官周旋帷帳出入憲臺進則惟思盡忠退則惟思補過輔佐先帝終
以今恩密謀黨議人莫得聞肆朕續服之始亟遷政府庶幾日聞嘉
言啓沃朕志屬苦久疾屢上封章重違所求畀以琳館束茲有請歸

宸松楸萬渴在廷之見忽聞適泰之音死不忘君誠言可鑒朕惟元老舊臣有所注倚典言憶怛但想儀形錫二品之崇賡賁九臬之幽步龍光厚渥特示褒嘉可特贈金紫无祿大夫餘如故

鍾世美贈右諫議大夫仍與一子郊社寮郎制

熙寧元年庚子

勅朕繼體于神考受命于哲宗永惟二聖之志付托在于其昌敢弗飭而聞省興訛造訛忘義之臣肆其朋黨醜正之心作為負類友侮之語達于予聽至不忍聞豈特傷朕父子兄弟之恩抑亦忘于送往事居之義至于締交合黨來間抵牾政以糾紛國用不靖比聞章奏具見事情乃予岸柱之中獨聞至正之論是知忠孝不為無人云何不淑遽爾殂謝用中喪贈以詔為臣故奉議郎鍾世美被遇神考擢有布衣懷尊君親上之誠勵特立獨行之操元符之末國是未定政在柄臣異論滯騰中外搖動而爾奮不顧身上書論辨放揚二帝之

烈忠憤感激可為流涕昔盤庚之告其臣曰爾無共怒協比諂言予一人又曰敢恭生主鞠人謀人保居叙欽夫盤庚之遠邇未為過舉也尚不見協兵怒而諄言故必至於反覆告戒朕今亦何愛一官不以欽叙敢恭之士以為羣臣勸宜涉七人之寵以慰九原之忠併及爾孤以示無言不酬之義尚其不厭服我休命下見二陵風子多方尚體予意可

王安石封舒王御筆手詔 熙寧三年正月二十日

昔我神考憫天下嬰於俗學訓釋經典作新斯人追述先王興起萬事得王安石相與有為咸有一德格于皇天朕述而明之聲名文物體樂法度於是大備雉原所自迄至有成其可弭忘夫有功而未褒有德而未顯非所以報功崇德也昔趙普潘美王欽諱鄭鄭康成孔安國從祀孔子安石被過先帝與其子零倚撰經義功不在教子之

下安石可封王爵實可配享文宣王廟廷

王安石封舒王制

初朕恭惟神考追述先王訓釋群經以作新于俗學興起萬世以垂
裕於後昆蓋得非常之人輔成不世之烈肆頒顯號追賁元臣故特
進守司空贈太師別國公食邑五千戶食實封一千七百戶王安石
降命應期自天生德學術精微足以窮道與器識宏遠足以用事幾
負命世亞聖之才有尊主庇民之志入輔機政延登宰司力贊斯文
於將興獨為多士之先覺若伊尹若股肱辟成一德以格天若周公
勤勞王家用眷年而變俗千載之遇萬世有辭朕祇通貽謀克篤前
烈名正而朝廷辨治紀行而華夏敦寧道德一而風俗同法度彰而
禮樂著原其所自安石可旌志想風采以如生蓋典刑之具在相攸南
土實既膺封參國考章中加王爵噫維志述事考莫大乎奉先崇德

報功禮務隆于遠邇尚具精災歆祀褒崇可追封舒王餘如故

禮部尚書強淵明侍郎霍端友貢外郎葛勝仲乞王雲封爵

御筆

雪同其父安名訓梓經義有補教化然未可班顏回于子夏十哲之列
有座于殿可依所奏封以伯爵從祀于庭

故朝散大夫天章閣待制贈左諫議大夫王雲封臨川伯制
此初二年三月四日

化民成俗蓋法本于尊儒崇德報功必思隆於賜爵追懷復僚宜有
褒揚故任朝散大夫充天章閣待制行右正言兼侍講南陽縣開國
男食邑三百戶賜紫金魚袋贈左諫議大夫王雲識造淵微學通備
類世濟其美傳家何止于一經書立之師垂範不刊于千載作傳注
詞章之俗學闡道德信命之微言士始見于指歸功有裨于教化酬

其稽古之力屬我右我之時爰命疏封并加異數圖形先哲之列從
祀聖師之庭蔚有光于宗儒用申勸于多士庶其知識亦克欽承可
特封臨川伯

收瘞

收瘞偽蜀將士詔

乾德三年正月

蜀中自予伐以來有偽將士死于兵刃者暴露原野深所憐惻况春
氣方至掩骼是時具令所在州縣官吏速與收瘞

瘞劍南峽路遺骸詔

至道九年二月甲申

昨者已蜀之間寇盜蜂起假優大紀斬艾生民既羅于鋒鏑又因
以饑饉轉死溝壑輕去邱園天災流行餓殍相望于聞德深用垂
傷方屬陽春布和品物滋茂宜推掩骼之旨用伸罪已之心應劍南
峽路管内州縣無主骸骨棄擲原野者仰所在官吏分遣收瘞

收瘞遺骸詔 至道元年七月丙辰

頃者盜起已庸民罹塗炭自王師之中伐反充黨之剪除蠢茲竊賊
或怕非命金革之用蓋不得已溝壑轉徙可勝道哉既遇禍于兵鋒
遂暴骨於原野朕為之父母深切痛傷宜徵掩骼之文用表葬枯之
惠庶營魂之有託免行路之興嗟自前戰陣亡歿及饑饉疾疫至死
無主收瘞並令所在州府招拾埋殯仍遣使致祭以致朕哀痛之意
焉

敕瘞遺骸詔 咸平二年閏三月丁亥

朕以富庶之教未洽於寒區窮困之民或殞於溝壑念骸之不掩瘞
和氣之有傷乃命瘞藏表于於惻兩京諸路有暴露骸骨官為收瘞
墳墓穿冢者塞之

令拯救汴河溺死人詔 天禧元年九月甲寅

乃曉示渠賈于京華注九曲奔衝之勢有四民覆溺之憂俾設巡防用
中樞救溺茹端俾深用剛傷期洽好生用神明勤自今應有誤溺之
人令木界巡檢及習水者即時拯救許收其實物如溺者貧乏卹官
以錢給之

宋朝大詔合集卷第二百二十三

政事七十六

通釋上

存留銅像詔

乾德五年七月丁酉

禁銅以來天下多輩佛像赴京銷毀願惟像教民所瞻仰認從鑄廢有異倘崇應諸道州府有銅像處依舊存留此後不得以銅為像

禁以鐵鑄佛像詔

開寶五年正月

塔廟之設像教所宗耕農之設生人是賴而末俗迷妄競相誇誘以五施表招之器邀浮圖之福空極勞費諒率利益自今兩京及諸道州府寺舍除造器用道具外不得以鐵鑄佛像仍委所在長吏常加察訪

禁尼與僧司統攝詔

開寶五年正月乙卯

男女有別者在禮經僧尼無間定案教法目今應兩京及諸道州府
凡有合度者只許於本寺趨壇受戒令尼人德主之其尼院公事大
者申送所在長吏勘斷小者委送寺三綱區分無得與僧司吏相統
攝如違重寘其罪

禁寄禍道士詔

開寶五年閏
二月戊午

元妙之門清淨為本迄於末俗頗尚異封或竊服冠裳號為寄禍或
雜居官觀曾不捨家有懸壺者所宜釐革應兩京及諸道州府士庶
稱寄禍者一切禁斷其道士無得於宮觀內蓄養妻妾已有家者速
遣出外居止仍自今不許私度人如願入道者須本師與本觀知事
同詣長吏陳牒請給公據然後聽習教法度為道士違者捕繫抵罪
限數度僧尼詔

釋門崇教實自前王歲試度人宜有定數苟誦持之未至則行業以

何觀特示明規庶懲濫得應諸道州府管內僧尼自今後逐年據帳
每一百人只許度有經業童行一人仍令尚書祠部專功點檢如有
額外度人者並須退落

禁濫項道場水陸齋會夜集士女詔

開寶八年四月丁酉

像法真宗適當崇闡絕徒盛行尤在精嚴如閭淮項道場水陸齋會
並夜集士女就寺開設深為妨躋無並偕待宜令功德司及尚書祠
部告諭內京諸道州府並禁止之

召河陽濟源道士賀蘭栢真詔

景德二年九月壬戌

師棲身嚴壑抗志烟霞覩心衆妙之門脫塵滓禁之外朕奉希夷而
為教法清淨以臨民思得有道之人訪以無為之理久懷上士欲觀
真風爰命使車往申禮聘師其暫別林谷來徧闡庭必剏招延無憚
登涉今遣入內高品李懷瑗召師赴闕想宜知悉

僧尼道士童行十人外更於一人詔

景祐三年二月戊戌

能仁乘教蓋誘於岸迷老氏立言實宗於家妙方資善利用廣化樞
應兩京諸路州府軍監縣鎮僧尼道士條帳童行各於元額十人外
更放一人其寺觀院舍友住房僧道同行不及十人者每院特放一
人並取係限年深從上者度勿試經業委祠部即給文牒

特度僧道詔

大中祥符二年正月乙酉

朕拜貺膺符冊中辰禮迹行慶賜仰答神沐虔均雷雨之恩普及端
黃之衆異國善利永福蒼黔應兩京諸路州府軍監僧尼除準勅度
人數外近迹見條帳童行每百人試驗經業精熟者更度兩人不滿
百人處亦如之道士每宮觀特度一人

禁止道士親屬住宮觀詔

大中祥符二年二月癸卯

大道之源本惟冲寂列其之字必尚精嚴朕緬慕淵宗慨降妙教期

教靖甫以稱寅威自今天下道士有以親屬住宮觀者嚴禁止之

宮觀度人詔

大中祥符三年正月十五日

向以歲發春自天垂祐著茲令節紀于國章宜因受瑞之辰廣被度人之澤應兩京諸路宮觀五十人度一人不及十人亦如之

誌公謚真覺大師詔

大中祥符五年十一月丁卯

大乘闡教誕顯於國初開士膺期風彰于覺悟頃於福地嘗獲秘文述景命之延洪叙上真之保佑而况先朝欽憐命服已加彤繡縉承微言斯契煥然偉度允洽于度靈仰止遺風益思於崇薦誌公宜加謚曰真覺大師

誌公加號道林真覺大師自今公私文字勿作其名詔

大中祥符

六年六月甲申

誌公真覺大師誕梓西夏顯異南梁興起頓漸之門識達人天之際

大判人言卷六

向加美謚用表靈蹟而流俗之間情於崇尚每因談述心斥其名出自朕心幸增懿號宜加南道林真覺大師自今公私文字勿斥其名

泗州僧伽大師加號普照明覺大師伽字公私文字不得指

斥詔 大宋祥符六年六月壬子

能仁闡教敷佑於羣生等覺儲靈流慈於應物願玉功而英大在欽尚以攸宜眷彼清淮時茲妙塔示圓明之惠力存妙寂之法身俾薦名稱用中嚴奉泗州僧伽大師且加號曰普照明覺大師其伽字公私文字不得指斥仍還屯田員外郎孟隆就徃彼致告

開寶寺舍利塔賜名靈感詔 大中祥符六年四月

烈祖開基禪宮載葺神宗撫運寶刹斯崇建淨梵之浮圖痊祇園之舍利屢臻祥應備極莊嚴適者祥物荐彰景輝延曜念先猷之燕翼荷丕慶之克昭恭報鴻名永宣殊貺開寶寺舍利塔宜以靈感為名

以太宗御製妙覺集編入佛經大藏詔大中祥符八年六月甲辰

恭以太宗皇帝撫寧萬宇寵范群元致周道之和平發見文之炳煥
游心釋部觀妙真宗演揚一音輔昭至理得靈山之寂印冠汾水之
英辭朕仰奉威神思流金石爰稽類次式就編聯昭示無窮用傳景
鑠宜以太宗御製妙覺集五卷編入佛經大藏

新譯頻伽反迦經不得入藏侍法院以此經不得翻譯詔大中祥符八年四月甲午

金仙垂教實利於含生貝葉騰文是資於俾譯苟師承之或異心邪
正以相參既失精詳寔或訛謬而況筆血之祀頗漬於真誠屢誚之
詞尤乖於妙理方增崇尚特示發明其新譯頻伽反迦經四卷不得
編入大藏自今侍法院以此經文無得翻譯

徐知常冲虛先生制政和二年三月二十三日

勅左街道錄觀妙明真虛一大師徐和常朕體道之妙侑身臨民廣
清淨之化以收無為之功一介之士通街苟明必加延禮將以振高
風而激流俗助予為治豈苟然哉爾心契冲漠行為端礪守靜足以
葆真致虛足以觀妙物賴善教人歸誠化功利所及不為無補美名
顯秩務極褒崇尚加勅行以副虛寧可特授冲虛先生

搜訪道教仙經御筆手詔

政和二年

道不可言傳可言者道之緒然道妙無形深不可測非言不顯故道
載于言妙理存焉古之聖人因言以見道因道以立教而萬世永賴
道之不興久矣朕方體兩行之神而明之施于有政雖其書具在或
失其傳使太元空洞之書玉簡爰爰之文殘闕遺遺墜於幽隱搜訪
所不及甚失尊道立教之意宜令天下應道教仙經不以多寡斷官
吏道俗士庶繖中所屬附急進投進仍委監司群守廣行搜訪敢有

沮抑不為施行以違制論會赦降不原如聚集無遺及收藏之家能以錄進委是仙經道教當與推賞仍月具有無錄進過數中尚書省

王老志封洞微先生制

政和三年九月二十三日

隱逸王老志世俗之士累於高名厚利故其志慮昏塞蹈於悔吝之域而不自見朕思得高隱有道者而與之游將以敦勵士風而祛世俗之惑以爾舍和葆其室虛生白燭理於衆先見微于物表神若著龜誠所謂有道者矣乃命使制禮以招徠之必有可視者而錫茲美號用示褒嘉可特封洞微先生

程若清封寶籙先生制

政和三年九月二十日

元觀法師程若清服游神境渡之宮儲思清淨之化爾潛心秘奧造道精微寶籙館之名流佩上真之法籙宜加美號用示褒封往服明恩永敷冲佑可特寶籙錄先生

搜訪巖谷雖詭譎請往自悔者悉以名聞詔

此和六年九月三日

通之為物深不可識世莫能知莫能行神而明之藏諸用推而行之存乎人朕承道德分裂之後人不足與明故作新祠宇有嚴家設中命怪教累年于此而未能還淳返樸豈為之師承者未能唱導而士之脩身慎行者未加招聘故前非其人道不虛行天下承平日久深林幽壑遁世隱名者尚多有之其令諸路群守監司搜訪岩谷雖詭譎請往自悔者悉以聞名當招延以禮分處內外宮觀訓迪未悟則移風易俗庶乎其可夫

敕言改所寺院沙汰僧徒者以違御筆詔以和七年四月十日

流俗務而大道熄于有餘歲古之大全世不復見作而興之使歸根復命清淨自化追還古風比以天下道宮教少又卑隘圯壞不足以宣奉上壽慈欲營建深慮勞民動衆村木之費必至科擾故以僧寺

政元僧宇根多不勞而易辨謗聞姦人造言謂將毀圻寺院沙汰僧
徒探惑衆心中外駭聽夫造一而已冲虛無名眞空不二本自不殊
隆此而廢彼豈朕志哉可布告中外敕有造言者賞錢一千貫以
違御筆論

宋明大詔令集卷第二百二十三

宋朝大詔令集卷第二百二十四

政事

通釋下

其子陞史記列傳之首在京神霄宮刻御注道德經御筆于
詔 政和八年八月十二日

國家處中國有聖人爲體道而在下窮神盡變莫知所終蓋常著書
九九篇以貽後世其指遠其意微世之人罕能知況其所以官天地
府萬物澹然獨與神明居豈得而窺之自漢司馬遷班固號稱大儒
皆小智自私溺於流俗宴淺之見遽作傳則同于韓非中不害之徒
固取古今人表以爲第四等列于游夏之後蓋歷歲于數百矣朕萬
機之暇既讀其書矚其指意之所歸爲之訓解開闡史氏尤惜其序
次之不倫慨然于懷豈天之將興斯文歟表而揚之實在今日史記

老子傳陞于列傳之首白為一快前漢古今表叙列于上聖其舊本
並行改正昨所注道德經可視敝唐制命大臣分章句書寫刻石于
在京神霄玉清萬壽宮以垂無窮究觀老氏深原道德之本而然太
甚繁飾之華蓋將悖文之弊使天下毋失其朴舉復于無為恬淡之
真帝皇之治何以越此朕甚慕之注經專教設科作官所以示欽崇
之旨而告天下咸諭茲意

天下學校諸生添治內經等御筆手詔

政和八年八
月二十一日

道無乎不在在儒以治世在士以修身未始有異殊途同歸前聖後
聖若合符節由漢以來析而異之黃老之學遂與堯舜周孔之道不
同故世流于末俗不見大全道由之以隱千有餘歲矣朕作而新之
究其本始使黃帝老子堯舜周孔之教偕行于今日可依下項
一宗寧以來學校遍天下士雖知所向而不見道之大原其所習

尚取辨藝文之末以應考選程式而已合而同之使知大道之全往命之本則士不流於俗天下庶乎無二道可令天下學校諸生于下項經添大小一經各隨所願分治大經黃帝內經道德經小經莊子列子

一大道廢壞滋久作興斯時世未知向士未正變抵法達理者尚多蓋人不教養才不拘選制為傑庸敗隸既服冠裳號為學道之士夫人能洪通非道洪人苟非其人道不虛行自今應入學人並令所在州縣勘會保明不經刑責不犯十惡盜及違八行之人許入州縣學校養並依見行學法研習經以黃帝內經道德經為大經莊子列子為小經外並儒書律令為一道可依下項

大經周易 小經孟子

一道所以不顯于時者蓋士不用于世人不教養于學行不脩于身故人得以賤之今作而興之合儒學之士悉由庠序與儒為一道苟為獎勸亦未樂從自來惟有先生法師處士大師等號而品秩甚少名稱既高視官亦隆人難遽進並合依舊外其在學中選入可依下項增置士名分入官品

元士正五品

高士從五品

大士正六品

上士從六品

良士正七品

方士從七品

居士正八品

逸士從八品

隱士正九品

志士從九品

一學道之士既立入學則教養輪選庶幾循理慎行異材間出每歲試經攬及有度牒合披戴者是依舊外唯在學一年方許披戴則士經校試不容偽濫庶清其選

一州縣學道之士初入學為道徒試中升貢同稱貢士升貢到京辟

難試中上舍並依貢士法三歲大比許闕御就殿試當別降策問庶得有道之士以稱招延

一元士以下資任請給各隨品依品品法准人從不差兵士役人止于官觀內量差其叙任在本品之下

一道徒在學有犯依學法在外及與外人相犯依法若犯十惡姦盜賊濫詐欺並不得赦免即不得易名妾冒

一應天下神霄玉清萬壽宮天慶觀知及副知除見任人且依舊之外將來有闕並以學校登科人充其餘官觀亦依此

一志士以上令禮部置名籍差注並如吏部法其犯十惡姦盜賊濫詐欺並停替如品官仍不叙

一自興道教異人間至深虛山林高蹈之士尚多有之而學道之士非專治身出而顯教無士之所傾而延致之禮未盡致光

於林壑無聞于時可令監司訪之州州訪之縣縣下耆保各
具所管地分有無高尚之士依八行法以禮延入學並以名
聞或高尚不願入學監司即守親臨勸駕給券馬人船差官
伴送赴闕又不願即具奏聽旨當賜璽書招聘高尚之士多
隨於卒伍工隸僕廝之類或負自犯刑責以逃世離俗今延
納招聘一無所聞仰並以名聞

改定通階等御筆手詔及和八年十月

道流入官自一命以上至視品中大夫宜正名辨體以為次遷之格
而文階近列有館閣之聯亦宜依此定制以待規偉高妙不次拔擢
之人合以太監大夫至金壇郎同文臣中大夫至迪功郎為道階以
待展為待制以役經同符契至直閣為道職階以年勞遷授道職如
文臣隨官帶職之制不限常格按惟其人無則闕之並無俸給人從

道官見此視寄祿官通官見帶先生以下今改通階

中大夫六字先生太極大夫

中奉大夫四字先生清憲大夫

中散大夫二字先生崇憲大夫

朝議大夫六字法師碧憲大夫

奉直大夫都道錄冲憲大夫

朝請大夫四字法師太素大夫

朝散大夫二字法師元素大夫

朝奉大夫行道錄正素大夫

朝請郎守道錄太憲郎

朝散郎試道錄清憲郎

朝奉郎行副道錄崇憲郎

承議郎守副道錄碧雲郎
奉議郎試副道錄冲雲郎
通直郎行都監太素郎
宣毅郎守都監元素郎
宣義郎試都監正素郎
承事郎行副都監翠微郎
承奉郎守副都監碧落郎
承務郎試副都監丹臺郎
承直郎行校儀左華郎
儒林郎守校儀右極郎
文林郎試校儀瓊瑩郎
從事郎行守闕校儀南昌郎

從政郎行守闕校保南華郎
修職郎試守闕校保丹松郎
迪功郎試守闕校保全壇郎

通職如文正
帶北職

中和殿侍晨

孫光殿侍晨

燕頤殿侍晨

榮珠殿侍晨

凝神殿侍晨

葆光殿校籍

榮珠殿校籍

凝神殿校籍

同中大夫

同中奉大夫

同中散大夫

同開議大夫

同奉直大夫

同朝散大夫

同朝奉大夫

同朝請郎

燕順殿撰經

葉珠殿撰經

凝神殿撰經

同朝散郎

同朝奉郎

同承議郎

道官九等提司教事都監之名既已非正又復別于道錄不稱
司存之目名以定體所宜釐正今自都錄而下以知同簽書為
職事官之任庶幾名定實辨政事斯舉

都道舊名

知今名

都道錄

知左右街道錄院事

副都道錄

同知左右街道錄院事

左街道錄

知左街道錄院事

右街道錄

知右街道錄院事

左副街道錄

同知左街道錄院事

右街副道錄

同知右街道錄院事

左街都監

簽書左街道錄院事

右街都監

簽書右街道錄院事

左街副都監

同簽書左街道錄院事

右街副都監

同簽書右街道錄院事

佛號大覺金仙餘為仙人太士之號等事御筆手詔重

和二年正月八日

先王之教用夏變異衣服有常以臨其民而奇言異行莫不有禁
故道德一風俗同自先王之澤竭佛教始行于中國雖其言不同
要其歸與道為一世賴以趨于善者亦非一日然異俗方言祝駭
毀膚偏袒橫服棄君親之分忘族姓之辨循西方之禮蓋于有餘
歲朕方敦禮義適追三代其教雖不可廢而害中國禮義者豈可

不葺應寺院屋宇田產常住一切如舊永不改革敢有議者以違御筆誅其服飾其名稱其禮其言並改從中國佛號大覺金仙餘為仙人大士之號僧梅德士寺為宮院為觀即住持之人為知宮觀事不廢其教不害其禮而已言念四方萬里之遠其徒之衆不患其意可令每路委監司一員提其事郡守寮佐召集捕告咸使知之